

פרק נו

א לְמִנְצַחַת עַל-יוֹנֵת אֵלֶם רְחֻקִים לְדוֹד מִכְתָּם בְּאַחֲזוֹ אֶתֹו
פְּלִשְׁתִּים בְּגַת: ב חֲנִנִי אֱלֹקִים כִּי-שָׁאַפְנִי אָנוּשׁ כָּל-הַיּוֹם
לֶחֶם יִלְחָצְנִי: ג שָׁאַפּוּ שׁוֹרְרֵי כָל-הַיּוֹם כִּי-רַבִּים לַחֲמִים לִי
מָרוֹם: ד יוֹם אִירָא אָנִי אֵלֶיךָ אֲבַטַח: ה בְּאֵלֹקִים אֶהְלֵל
דְּבָרוֹ בְּאֵלֹקִים בְּטַחְתִּי לֹא אִירָא מִה-יַעֲשֶׂה בֶּשֶׁר לִי:
ו כָּל-הַיּוֹם דְּבָרֵי יַעֲצִבוּ עָלַי כָּל-מַחֲשַׁבְתָּם לָרַע: ז יִגְוִרוּ
יִצְפִּינוּ [יִצְפּוֹנוּ] הֵמָּה עֵקֶבֶי יִשְׁמְרוּ כַּאֲשֶׁר קוּוּ נַפְשִׁי:
ח עַל-אֹן פִּלְט-לְמוֹ בְּאַף עַמִּים | הוֹרֵד אֱלֹקִים: ט נִדִּי
סִפְרָתָה אֶתָּה שִׁימָה דְמַעְתִּי בְּנֹאדֶךָ הֲלֹא בְּסִפְרָתְךָ: י אֲזוּ |
יָשׁוּבוּ אוֹיְבֵי אַחֹור בְּיוֹם אֶקְרָא זֶה-יִדְעֵתִי כִּי-אֱלֹקִים לִי:
יא בְּאֵלֹקִים אֶהְלֵל דְּבַר בְּד' אֶהְלֵל דְּבַר: יב בְּאֵלֹקִים
בְּטַחְתִּי לֹא אִירָא מִה-יַעֲשֶׂה אָדָם לִי: יג עָלַי אֱלֹקִים נִדְרִיךָ
אֲשַׁלֵּם תּוֹדַת לָךְ: יד כִּי הִצַּלְתָּ נַפְשִׁי מִמּוֹת הֲלֹא רַגְלֵי מִדְּחֵי
לְהִתְהַלֵּךְ לִפְנֵי אֱלֹקִים בְּאוֹר הַחַיִּים: